

## SOFIA

La mia bela se ciàma Sofia / note e giorno la stà sul balcòn  
la ga' el naso che par un'arpia / grassa e grossa, la pàr un balòn!

Come xe stà? Come xe stà? / co' go visto Sofia me so' inamorà!

La ga i denti che par una sega / tuti màrzi, nissùn no xe bon,  
e la boca che par 'na botega / ma de quele che vendi carbòn!

Come xe stà? Come xe stà? / co' go visto Sofia me so' inamorà!

La sua testa xe come una zùca / senza gnànca un cavèl che sia bon,  
co' la parla in tel muso la spuda / e del fià la te mola el spuzòn!

Come xe stà? Come xe stà? / co' go visto Sofia me so' inamorà!